

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**02. Allaffeqarfimmiit oqaasiinnartigut paasissutissiissutit**

**Imm. 2.1 Allaffeqarfimmiit oqaasiinnartigut paasissutissiissutit**

**03. Aningaasaqarnermut tunngasut**

**Imm. 3.1 Missingersuutitigut nuussinissamik qinnuteqaat atuiffimmi Ilaqutariinnut inerisaavik Maniitsoq atuiffik pisortatigut ikiorsiissutit Maniitsoq**

**Imm. 3.2 Utoqqaat angerlarsimaffiat Neriusaaq-mi atuiffimmiit Kangaamiuni utoqqaat illuanni atuiffimmut nuussinissamik qinnuteqaat. Maniitsoq.**

**Imm. 3.3 Qeqqata Kommuniani Atugarissaarnermi immikkoortortaqarfimmi 2023-imi akigititassatut siunnersuutit.**

**04. Suliassat naliginnaasut**

**Imm. 4.1 Maniitsumi Ilaqutariinnut Inerisaavik Meeqqat Illuatut atorsinnaanissaanut allannortiterineq.**

**Imm. 4.2 Puigortunngortut pillugit oqaluuserisassatut siunnersuut**

**Imm. 4.3 2022-mit 2026-p tungaanut pilersaarusionermermi periusissat**

**Imm. 4.4 2021-mut kukkunersiuisut allakkiaat – Atugarissaarmut immikkoortortaqarfik**

**05. Sulisoqarnermut tunngasut**

**Soqanngilaq**

**06. Paasissutissiissutit**

**Soqanngilaq**

**08. Tamalaat**

**Imm. 8.1 Tamalaat**

Ataatsimiinneq aallartippoq nal. 13:04

*Peqataasut:*

***Inuit Ataqtigiit***

Agathe Fontain, Sisimiut

***Siumut***

Kirstine Olsen, Siulittaasup tullia, Sisimiut

Barnabas Larsen, Kangaamiut

Evelyn Mølgaard, Sisimiut, Juliane Enoksen-imut sinniisoq

***Naleraq***

Paneeraq Olsen, Kangerlussuaq

*Nalunaaruteqarlutik peqataannngitsut:*

Juliane Enoksen, Siulittaasoq, Sisimiut

*Nalunaaruteqaratik peqataannngitsut*

**Imm. 01 Oqaluuserisassat akuersissutigineri**

**Aalajangiineq**

Akuersissutigineqarpoq.

Paneeraq Olsen aamma Evelyn Mølgaard "Tamalaanut" apequtissaqarput.

## **02. Allaffeqarfimmiit oqaasiinnartigut paasissutissiissutit**

### **Imm. 2.1 Allaffeqarfimmiit oqaasiinnartigut paasissutissiissutit**

Ataani taaneqartut oqaasiinnartigut paasissutissiisuutigineqarput pisortaanermit:

- Sipaarutaasinnaasunik suliaqarnerup killiffia
- Innarlulitillinni immikkoortortami sullissisut pikkorissarnerat
- Sisimiuni Bistandsafdeling-imi sulisut pisortallu Maniitsumut pikkorissariarnissaat
- Sisimiuni ikiueqqaartartut suliaqarnerat
- ”Imminut toquttarneq” – Ilaqutariinni kiffartuussivik januarimi pikkorissartitsinissaa

### 03. Aningaasaqarnermut tunngasut

#### **Imm. 3.1 Missingersuutitigut nuussinissamik qinnuteqaat atuiffimmi Ilaqutariinnut inerisaavik Maniitsoq atuiffik pisortatigut ikiorsiissutit Maniitsoq**

Journalnr. 06.02.04

#### Tunuliaqutaq

Missingersuutitigut nuussinissamik qinnuteqaat ingerlanneqarpoq, Ilaqutariinnut inerisaavimmi nutaami eqqiaasoqalernissaa anguniarlugu sapaatip akunneranut 25 tiimit sulisartussamik missingersuutitigut nuussisoqarnissaa Pisortatigut ikiorsiissutinit aningaasartuutiniit.

#### Maleruagassatigut tunngavissat

Soqanngilaq

#### Pissutsit atuuttut

Rengøringfirma asaasut Maniitsumi illup annertussusaa malillugu 365 kvm-mut asaasunut akiliutigineqartartussaasooq qaammammut 18.000,- kr.-miit - 20.000,-kr. missaani, ukiumullu aningaasartuutaasassalluni 240.000,- kr. missaani.

Eqqiaasoq inuk ataaseq sapaatip akunneranut 25 timer sulisarsinnaasoq.

Eqqiaasoq akunnermusialik akunnermut ataatsimut 103,00,- kr. SIK-ip isumaqatigiissutaa malillugu sapaatip akunnerinut marlunnut 50 timer sulisinnaasoq, ukiumullu 133.900,-kr. missaani aningaasartuutaasartussa.

Akunnermusialimmik toqqaanermi tungaviuvoq Ilaqutariinnut inerisaavimmi sulissinermi pisartussani assigiinngitsuni, ullukut unukkullu pineqartoq piareersaasartussatut pisussanilu ikiuuttartussatut aamma atorneqarsinnaammat.

#### Aningaasaqarnikkut allaffissornikkullu kingunerisinnaasai

Ilaqutariinni inerisaavimmi eqqiaasutaarnerup kingunerissavaa illup avataanit eqqiaasunit namminersortunit sullinneqarani, sulisumik atorfinitsitsinikkut sullitanut kiffartuussineq eqqiaanerup saniatigut aamma ingerlanneqarsinnaammat akunnermusiaqartitsineq atorlugu.

#### Eqitsit 1 – Pisortatigut ikiorsiissutiniit Ilaqutariinnut inerisaavimmut nuutassat

Afdeling	Formål	Art	Sted	Tekst	Bevilling 2022	Om-placering	Ny bevilling 2022
552050000	0502015202	113100100	010570	Udbetaling af off. hjælp (skattepligtig)	2.597.942	-160.000	2.437.942
552020201	0501015190	122010200	010570	Timeløn	10.277	160.000	170.277

Atuiffik	Ny budget 2022	Budget 2023	Budget 2024	Budget 2025
552020201-0501015190-122010200-010570 - Timeløn	170.277	170.277	170.277	170.277
Katillugit	170.277	170.277	170.277	170.277

Allaffeqarfiup / immikkoortortamilu aqutsisup naliliinera

Ilaqutariinnut Inerisaavimmi eqqiaasumik atorfinitsitsinissaq taperserlugu kiisalu eqqiaasup suliaassanut sullissinissamut piareersaasiortarnissaa piffissamik atorluaanissamik siunertaqarmat taperserlugu. Pisortanit ikiorsiissutinit missingersuutinit atuinikinnerunissaq naatsorsuutigineqarpoq, september-ip naaneranut atuneq 41,45%-mik annertussuseqarpoq.

**Innersuussut**

Atugarissaarnermut immikkoortortap Atugarissaarnermut ataatsimiititaliamut innersuussutigaa:

1. Missingersuutitigut nuussinissamik qinnuteqaat, atuiiffimmut Ilaqutariinnut Inerisaavik Maniitsoq, akunnermusiallit atuiiffianut 552020201-0501015190-122010200-010570 pisortatigut ikiorsiissutit atuiiffianit 552050000-0502015202-113100100-010570 annertussusilinnik 160.000,00 kr-ninik akuersissutigineqassasoq.
2. Suliaq Aningaasaqarnermut Ataatsimiititaliamut aamma Kommunalbestyrelse-mut aalajangigassanngorlugu ingerlateqqinneqassasoq.

**Aalajangiineq**

Akuersissutigineqarput Aningaasaqarnermullu Ataatsimiititaliamut akuerisassanngorlugu ingerlateqqinneqassaaq.

**Ilanngussat**

1. Ilaqutariinnut inerisaavimmiit qinnuteqaat.

**Imm. 3.2 Utoqqaat angerlarsimaffiat Nerijsaaq-mi atuiffimmiit Kangaamiuni utoqqaat illuanni atuiffimmut nuussinissamik qinnuteqaat. Maniitsoq.**

*Journalnr. 06.02.04*

Tunuliaqutaq

Maniitsumi Utoqqaat Angerlarsimaffiat “Nerijsaaq”-miit Kangaamiuni utoqqaat illuatta atuiffianut nuussinissamik qinnuteqaat ingerlanneqarpoq.

Utoqqaat illuani Kangaamiuni aningaasaqarnikkut missingersuutit atortussanut pisariaqartitanut missingersuutitigut naammattumik immikkoorsisoqarsimanninnerata kinguneranik nuussinissamik pisariaqartitsippat.

Maleruagassatigut tunngavigisaq

Qeqqata Kommuni kasseqarnermut naatsorsuuserisarnermullu malittarisassani imm 3.3 naapertorlugu Kommunalbestyrelsi aalajangiisussaataavoq.

Pissutsit atuuttut

Maniitsumi utoqqaat angerlarsimaffia “Nerijsaaq”-miit pisortaa tullersortaalu Kangaamiuni utoqqaat illuani aqutsisup pisariaqartitsinera tunngavigalugu september-imi orninneqarpoq.

Utoqqaat illuat Kangaamiut 2008-mi pilersinneqarpoq, maannakkut najugaqartut arfineq pingasuupput, 12-nut inissaqarpoq inillu ilaat aappariinnut inissiaapput.

Siullertut utoqqaat illuani pisattat atortullu ilaatigut pisoqalivissimasut piaartumik taarserneqarnissaat pisariaqarluni, soorlu siniffiit, madras-it igaffimmi atortut nutaanngilisimasut taarsertariaqalersimallutik kiisalu oqimaatsunik kivitsissummut atortussat, eqqiluisaarnissarlu pissutigalugu qorfinnut erruissummik aamma pisariaqartitsillutik. Neqeroorusiortitsinermi maannakkut pisariaqartitat katillugit naleqarput kr. 211.961,10, atortut allat tulleriarlugit missingersuutit atuuttut malillugit nutarsarneqartassapput.

Atuilluartuunissakkut kingunerisinnaasai

Atuiffiit missingersuutit pineqartunut tunngatillugu missingersuutitigut nuussinissaq kinguneqassaaq utoqqarnut najugaqartunut annertuumik atukkatigut pitsannguutaassaaq atortut pisoqalisut taarserneqarpata. Utoqqaat illuani Kangaamiuni pisariaqartitsineq matussuserneqassaaq immikkut ittumik aningaasaliinissamik qinnuteqaatit ingerlatinngikkaluarlugu, atuilluarnerussaaq.

Aningaasaqarnikkut allaffissornikkullu kingunerisinnaasai

Utoqqaat Angerlarsimaffiat “Nerijsaaq”-miit atuiffimmi pineqartumi ukioq manna pilersaaruteqanngimmat sulisunut aningaasartuutit atuinnissaq, sipaarniarneq pissutigalugu, nuussinissaq kinguneqassaaq immikkut aningaasaliiffigineqarnissaanik qinnuteqaangikkaluarluni.

**Atugarissaarnermut Ataatsimiititaliap november-ip 7-ani 2022-imi ileqquusumik ataatsimiinnera  
10/2022 – *Imaqarniliaq***

**Eqitsit 1 – Angerlarsimaffik Nerijsaaq-miit Utoqqaat Illuat Kangaamiunut**

Afdeling	Formål	Art	Sted	Tekst	Bevilling	Om-placering	Ny bevilling
552030203	0503015300	122070100	010570	Man Nerijsaaq personalepleje	471.699	-160.000	311.699
552030204	0503015300	122170100	010573	Plejhjemmet Kangaamiut, materiel, udstyr og inventar	69.881	160.000	229.881

**Allaffeqarfiup naliliinera**

Atugarissaarnermut immikkoortorta q naliliivoq, Kangaamiuni utoqqaat illuani pisattat nutaanngilisimasut taarserneqarnissaat pisariaqalersimasoq, missingersuutinillu nuussinissaq atuiffimmiit atuinngikkallarnissaq pissutigalugu matussutissaqarsinnaasoq.

**Innersuussut**

Atugarissaarnermut immikkoortorta qarfiup Atugarissaarnermut ataatsimiititaliamut innersuussutigaa:

- Eqitsit 1 malillugu –Aatuiffiit akornanni missingersuutitigut nuussinissat akuersissutigineqassasut, kingornalu Aningaasaqarnermut Ataatsimiititaliamut Kommunalbestyrelse-mullu aalajangiassanngorlugit ingerlateqqinneqassasut.

**Aalajangiineq**

Akuersissutigineqarpoq Aningaasaqarnermullu Ataatsimiititaliamut akuerisassanngorlugi ingerlateqqinneqassaaq.

**Ilanngussat**

- NDO Supply AS neqeroorut 18.10.2022

### **Imm. 3.3 Qeqqata Kommuniani Atugarissaarnermi immikkoortorta qarfimmi 2023-imi akigititassatut siunnersuutit.**

*Journalnr. 06.01.01*

#### Tunuliaqutaq

Qeqqata Kommuniani Atugarissaarnermut immikkoortorta qarfik Atugarissaarnermut ataatsimiititaliamut eqqartugassanngorlugit akuerisassanngorlugillu ukiut tamaasa isumaginnermut tunngasuni akigititanut siunnersuutinik saqqummiisartussaavoq.

Tamatuma kingorna suliamik saqqummiussa q inaarutaasumik akuerisassanngorlugu Aningaasaqarnermut ataatsimiititaliamut Kommunalbestyrelsimullu ingerlaqqittussaavoq.

#### Maleruagassatigut tunngavigisaq

Utoqqarnik paaqqinniffiit pillugit Inatsisartut peqqussutaat nr. 11 30. oktober 1998-imeersumi § 5. § 5. Kommunini utoqqarnik paaqqinniffinni inissat pisariaqartinneqartutut amerlassusillit pigineqarnissaat kommunalbestyrelsip qulakkiissavaa.

Imm. 3 Utoqqarnik paaqqinniffiit sammisasaqartitsinermillu neqeroorutit kommunimit pilersinneqarlutillu ingerlanneqassapput.

Qeqqata Kommunianut karseqarnermut naatsorsuutinullu malittarisassani immikkoortoq 3-mi imm. 2.3-mi allassimavoq, kommunalbetyrelsi aningaasaliisartuusoq.

Pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq § 31. § 31. Matumani peqqussut malillugu aningaasartuutit kommunalbestyrelsimit akilerneqartassapput.

#### Pissutsit atuuttut

Sisimiuni, Maniitsumi aamma Kangaamiuni utoqqaat angerlarsimaffiini aningaasartuutinut aamma najugaqartut amerlassusaat naapertorlugit 2023-mut akigititanut akiliutissanut siunnersuutit suliarineqarput, unalu siunnersuut Sisimiuni Maniitsumilu utoqqaat angerlarsimaffiini aamma Kangaamiuni utoqqaat angerlarsimaffianni, ulloq unnuarlu najugaqarnermut akuerineqarnerat malillugu.

Utoqqaat angerlarsimaffiini najugaqartussatut innersuunneqartartut saniatigut utoqqaat angerlarsimaffiini immikkut ittumik najugaqartussatut innersuussat, inatsit atuuttoq malillugu najugaqarnermut akiliuteqartoqartassapput. Najugaqartut tjenestemanditut pensionisiaqartut pineqarput.

Inuit innarluutillit pillugit Neriusaami suliniutinut akit 2020-mi akuerissutigineqarnikut atuupput.

Taakku saniatigut pisortanit ikiorsiissutini ikiorsiisarnermi akigitinneqartut allannguuteqannginnissaat pillugu siunnersuusiortoqarpoq.

#### Nerisassanik pajuttuineq

Utoqqarnut angerlarsimaffimmini najugaqartunut nerisassanik pajuttarnermut siunnersuutigineqarpoq, nerisassanut ataatsinut aki 30,00 koruuniuginnassasoq.

#### Ornittakkamik atuisunut nerisaqarnermut akiliutit

Ornittakkamik atuisunut siusinnerusukkut nerisaqartitsisoqartarnikuunngilaq.

Atugarissaanerup immikkoortortap nerisassanut kissartunut akissaa 30,00 koruuniussasoq innersuussutigivaa, taanna malitsigisaanik utoqqalinersiaannit ilanngaatigineqarsinnaavoq.

**Atugarissaarnermut Ataatsimiititaliap november-ip 7-ani 2022-imi ileqquusumik ataatsimiinnera  
10/2022 – *Imaqarniliaq***

Qasuersaartunut nerisaqartitsinermi aki

Najugaqartunut qasuersaartinneqartunut siusinnerusukkut nerisaqartitsisoqartarnikuunngilaq. Najugaqartut taakku qasuersaartinneqarnerminni tamakkiisumik pensionisiaqartarmata siunnersuutigineqarpoq, ulloq unnuarlu 75,00 koruuninik ulluni taakkunani nerisaqarnermi akiliuteqartassasut, taanna malitsigisaanik utoqqalinersiaannit ilanngaatigineqarsinnaavoq.

Pisortanit ikiorsiissutini akigitat

Qeqqata Kommuniani pisortat ikiorsiissutaanni ikiorsiisarnermi akit allanngortinneqassanngitsut Atugarissaanerup immikkoortortap siunnersuutigivaa, takuuk takussutissiaq ataaniittoq.

Siusinaartumik pensionisialinnut utoqqalinersialinnullu qaammammut aningaasat atorneqarsinnaasut

Qeqqata Kommuniani siusinaartumik pensionisialinnut utoqqalinersialinnullu qaammammut aningaasat atorneqarsinnaasut 2021-mituulli annertussuseqassasut, tassalu kisimiittunut kr. 5.000,- aappariinnullu kr. 8.000,-nik annertussuseqassasut.

Aningaasaqarniarnikkut allaffissornikkullu kingunerisinnaasat

Aningaasat innersuussutigineqartut pillugit takussutissiaq:

	Aningaasat
Qeqqata Kommuniani utoqqaat angerlarsimaffiini najugaqarnermut kommunip ataatsimoorussamik akigititaanik naatsorsuinermi 2023-imut siunnersuutit: $49.877.670,96 : 31.880 = 1.564,54$ kr.	1.564,54
Nerisassanik ataatsinik pajutsinneq	30,00
Ornittakkamik atuisunut kissartunik nerisitsinermit nerisassanut akiliutissaq	30,00
Qasuersaartitsinermi ulloq unnuarlu nerisassanut akiliutissaq	75,00
Siusinaartumik pensionisialinnut utoqqalinersialinnullu kisimiittunut aningaasat qaammammut atorneqarsinnaasut	5.000,00
Siusinaartumik pensionisialinnut utoqqalinersialinnullu aappariinnut aningaasat qaammammut atorneqarsinnaasut	8.000,00

Pisortanit ikiorsiissutini akigititanut allannguisoqassanngitsaq Atugarissaanerup immikkoortortap innersuussutigivaa:

Ikiorsiinermi akigitat	Qaammammut	Ullunut 14-inut	Sapaatip akunneranut
Kisimiittoq namminerisaminik inilik	1.680,00	776,00	388,00
Aappariit namminerisaminnik inillit	2.836,00	1.310,00	655,00
Kisimiittoq inisimasoq	1.420,00	656,00	328,00
Aappariit inisimasut	2.836,00	1.310,00	655,00
Pilersuisussaataasumut meeqqamut ataatsimut tapeq	1.000,00	462,00	231,00
Inuussutissat, inersimasumut ullormut	Aningaasanngorlugit akigitat affaat		
Inuussutissat, meeqqamut ullormut	Meeqqanut tapit affaat		

Atugarissaannermi immikkoortorta qarfik innarluuteqartunut ineqartitinermut akigititassat:

Najugaqatigiiffiit	Qaammammut
Ineqarnermut – kiassarnermut – innaallagiamut – imermut akiliutit	Kr. 3.250,00
Nerisaqarnermut akiliut	Kr. 1.600,00
Katillugit	Kr. 4.850,00

### Allaffeqarfiup naliliinera

Atugarissaarnermut immikkoortorta qarfiup nalilerpaa, akigititassatut innersuussat 2023-mi ukiumi missingersuusiorfiusumi atuutissasut.

Atugarissaannermi immikkoortorta qarfik innarluutilinnut inigisisaqarnerannut akiliutaasartussat assigiissassasut innersuusutigaa.

### **Innersuussut**

Atugarissaarnermut immikkoortorta qarfiup Atugarissaarnermut ataatsimiititaliamut innersuusutigaa:

- Qeqqata Kommuniani utoqqaat angerlarsimaffiini najugaqarnermut kommunip ataatsimoorussamik 2023-mut akigititanut akiliutissanut siunnersuutaa 1.564,54 koruuniusoq akuersissutigineqassasoq
- utoqqalinersialinnut nerisassanik pajunnermi akigitinneqartoq 30,00 koruunimiiginnassasoq
- ornittakkamik atuisunut kissartunik nerinermit nerinermi akiliut 30,00 koruuniussasoq
- qasuersaartineqartunut ulloq unnuarlu nerinermit akiliut 75,00 koruuniussasoq
- siusinaartumik pensionisialinnut utoqqalinersialinnullu kisimiittunut aningaasat qaammammut atugassat 5.000,00 koruuniuginnassasut
- siusinaartumik pensionisialinnut utoqqalinersialinnullu aappariinnut aningaasat qaammammut atugassat 8.000,00 koruuniuginnassasut
- Pisortanit ikiorsiisarnermi akigitinneqartut allanngortinneqassanngitsut
- Suliaq Aningaasaqarnermut Ataatsimiititaliamut Kommunalbestyrelsimullu akuersissutigisassanngorlugu saqqummiunneqassasoq.

### **Aalajangiineq**

Akuersissutigineqarput suliarlu Aningaasaqarnermut Ataatsimiititaliamut Kommunalbestyrelsimullu akuersissutigisassanngorlugu saqqummiunneqassasoq.

### **Ilanngussaq**

1. Beregning af takstbetaling alderdomshjemmene i Qeqqata Kommunia 2023

#### **04. Suliassat nalinnaasut**

##### **Imm. 4.1 Maniitsumi Ilaqutariinnut Inerisaavik Meeqqat Illuatut atorsinnaanissaanut allannortiterineq.**

*Journalnr. 42.00*

##### Tunuliaqutaq

Qeqqata Kommunia upernaq attavigineqarpoq apeqqutigineqarluni Folketing-ip Meeqqat Illuat pillugu ukiunut pingasunut suliniutaanut atatillugu soqutiginninersoq. Meeqqat Illuat Ilaqutariinnermut Naalakkersuisoqarfiup, Folketingi suleqatigalugu suliniutaavoq, tassa meeqqat kinguaassiutigut qaangiiffigitinnermik nakuuserfigineqarnermillu nalaataqarnikuusut ikiorserniarlugit immikkut suliniarnertut ingerlanneqassalluni. Suliniut politiinik, naalakkersuisoqarfimmit, isumaginninnikkut aqutsisoqarfik kommunillu pingasuusut akimortumik suleqatigiinnerisigut ingerlanneqassaaq.

Aqutsisoqatigiinnik pilersitsisoqarnikuuvoq ukunanga peqataaffigineqartumit, Isumaginninnermut Sulisoqarnermillu Naalakkersuisoqarfik, Isumaginninnikkut Aqutsisoqarfik, Politiit, Kommuneqarfik Sermersooq, Qeqqata Kommunia aamma Avannaata Kommunia. Taakkua saniatigut aamma kommunini pingasuusuni suleqatigiissitanik pilersitsisoqarnikuuvoq.

Ukioq manna ininik apersuinermi atugassanik pilersitsinissaq salliutinneqarpoq, taamaattumillu Maniitsumi Ilaqutariinnut Inerisaaviup nutaap ataani "Meeqqat Illuat"-ta qanoq pilersinneqarsinnaanera misissussallugu pissusissamisoorsimalluni. Qeqqata Kommunia Maniitsumi teknikkeqarnermut immikkoortortaata aamma Rambøl qanimut suleqatigiinnerisigut, quleriit qullerpaartaani inip apersuisarfittut allannortinnissaanut titartagaq suliarineqarpoq.

Titartakkap ilangussatut ilannunneqartup imarivaa, ininik marlunnik pilersitsineq matumani meeqqanik apersuineq pisarsinnaassalluni kiisalu videokkut apersuinermi peqataasunut inip aappaaniissinnaassallutik, tassaasut eqqartuusiveqarfik, politiit, najortit aamma illersuisut. Allannortiterinermi aningaasartuutit naatsorsuutigineqartut tassaapput missiliut-C-kkut 819.419 koruunit Aqutsisoqatigiinnit akuerineqarsimasut.

C-missiliut Nutaaq, akuerineqartoq

819.419 koruunit

**Atugarissaarnermut Ataatsimiititaliap november-ip 7-ani 2022-imi ileqquusumik ataatsimiinnera  
10/2022 – *Imaqarniliaq***

Aqutsisoqatigiinnit tapiissutit allat:            2022            2023            2024

<b>Maniitsoq</b>			
Pequtit	175.000		
Ilaqutariinut inerisaavimmi nutaami quleriit aappannik inaarsaaneq/politiinit kissaat ilanngullugit	698.000		
Sulisunik ilinniartitsineq	500.000		
Inunnut arfineq-pingasunut pikkorissaaneq	101.000		
Meeqat Illuannut/januscenterimut alakkaaneq	80.000		
Isumaginninnermi siunnersorti	240.000	480.000	480.000
Tarnip pissusiinik ilisimasalik	260.000	520.000	520.000
Meeqgerisut marluk	350.000	700.000	700.000
<b>Katillugit</b>	<b>2.404.000</b>		

Maleruagassatigut tunngavissaq

Meeqqat tapersorsorneqarnissaannut Inatsisartut inatsisaat nr. 20, 26. Juni 2017-imeersoq § 3 Kommunalbestyrelse iliuseqarnermigut paasiniaanermigullu pisariaqassappallu Inatsisartut Inatsisaat una naapertorlugu ikiorsiinissamut neqerooruteqarnermi meeqqap kialuunniit alliarturneranut uku aallaavigalugit peqataassaaq:

- 1) atugarissaarnissaanut, peqqissuunissaanut ineriartornissaanullu,
- 2) isumassuinnikkut avatangiisini toqqissisimanartuni
- 3) inersimasunut, ilaqtutanut inuttullu attaveqartarfiinut toqqissisimanartumik aalajaatsumillu attavissaqartuarnissaanut aamma
- 4) inersimasutut nammineersinnaassuseqarluni inuunerup angujartornissaata ilinniarnerani inuttullu ineriartornerani tatiginartunik sinaakkuteqarnissaanut.

*Imm. 2.* Meeqqap inuunerani pissutsit ataatsimut isigalugit ikiorneqassaaq sapinngisamillu siusissukkat ikiorneqassalluni.

*Imm. 3.* Kommunalbestyrelse meeqqanut inuusuttunullu ataqatigiissumik ilusilersukkamik kiisalu meeqqanik sumiginnaanermik pinaveersaartitsinermut piareersimasortalimmik siusissukkat paasisaqartarnissamut meeqqallu sumiginnakkat pillugit sulianik suliarinnittarnermut upalungaarsimasussanik, kiisalu ajornartoornermi upalungaarsimanissamik periusissiuissalluni meeqqamik angerlarsimaffiup avataanut inissiinissap tungaanut isumaginninnikkut nakkutilliinermik suliaqarnissamut pilersaarusiussaaq, takuuk § 36 imm. 3 naammassisinnaajumallugu politikiliussaaq. Taannalu kommunip nittartagaani tamanut saqqummiunneqassaaq sivilunerpaamillu ukiut sisamat allortarlugit iluarsaateqqinneqartassalluni.

### Pissutsit atuuttut

Ilaqutariinnut inerisaavimmi quleriit qullerpaartaat matuneqarnikuuvoq maannakkullu atorneqarnani, illua tungaani majuartarfiit eqqaanni kiassarnermut innaallagissamut allanullu atortulersuutit inissisimapput.

Allangortiterinermi ininik marlunnik pilersitsinermut, illup atorneqarnera annertusissaaq.

### Atuilluartuunissakkut kingunerisinnaasai

Suliniutip ingerlanera 2024-ip naalernerani naammassippat, suliniutip ingerlaannarnissaa isummerfigineqassaaq. Atorneqassanngippat Ilaqutariinnut Inerisaavik saniatigut ininik marlunnik peqalissaaq.

### **Innersuussut**

Atugarissaarnermut immikkoortorta qarfiup Atugarissaarnermut ataatsimiititaliamut innersuussutigaa:

1. Ilanngussaq malillugu Maniitsumi Ilaqutariinnermut inerisaavimmi quleriit qullerpaartaat initut videokkut apersuisarfissatut akuerineqassasoq aammalu aningaasartuutissat 820.000 koruuniusut Aqutsisoqatigiinnit akilerneqassasut.
2. Maniitsumi Ilaqutariinnut Inerisaavik piffissami 2024-ip naanissaata tungaanut aamma Meeqqat Illuat-tut atorneqarsinnaasoq akuersissutigineqassasoq.
3. Aqutsisoqatigiit missingersuusiat malillugu suliaq Ingerlatsivimmit Ilaqutariinnut inerisaavik suleqatigalugu ingerlatiinnarneqassasoq

### **Aalajangiineq**

Akuersissutigineqarput.

### **Ilanngussaq**

1. Titartagaq missiliut-C
2. Missingersuut Aqutsisoqatigiinnit akuerineqartoq.

## **Imm. 4.2 Puigortunngortut pillugit oqaluuserisassatut siunnersuut**

*Journalnr 48.00*

### Tunuliaqutaq

Kommunalbestyrelsesemi ilaasortaq Paneeraq Olsen 30. maj 2022-mi atugarissaarnermut ataatsimiititaliap ataatsimiinnissaanut oqaluuserisassatut siunnersuuteqarpoq imaattumik:

“Qeqqata Kommuniani puigortunngortumut ilaqutaagaanni puigortunngortorlu utoqqaat angerlarsimaffianut inissineqarsimatillugu pulaaraanni inigisaani paasissutissanik ersittoqanngilaq, soorlu maakkuninnga:

- 1 Qanga neriva
- 2 Qanga imerpa
- 3 Qanga ammanersorpa, nangeqarpat qanga taarserneqarpa
- 4 Qanga uffarneqarpa
- 5 Qanga atisai taarserneqarpat
- 6 Sinnittarnera ullukkuunersoq unnuakkuunersorluunniit

Puujortunngortup nammineerluni tamakkua eqqaamaneq ajorpai. Qanigisaasuulluni pingaaruteqarpoq skema-mullunniit paasissutissat tamakkua ikkullugit allattornissaat. Temanummer sulisumut, qanigisaasumut pingaartumillu najugaqartumut pingaaruteqarmat, siunnersuutigissavara taanna pisariitsumik sananeqarsinnaammata, utoqqaat angerlarsimaffiat taamaattumik sanassasoq.

Siunnersuteqarninnut pissutigaaara puigortunngortumut qanigisatut aammalu puigortunngortunut qanigisaasut allat oqaluttuaat malillugu ullormut nerisaqarsimanersoq, sinittarnera nikinganersoq aammalu nangeqarpat nalunarlu qanga taarserneqarsimanersoq aammalu imersimanersoq nalunarlu, imaluunniit imerpalasumik naammattumik pisimanersoq il il.

Najuqartup puigortunngortup peqqissussanut pingaaruteqarmat sulisut paarlakaanerani (nikittarneranni) paasissutissat pingaaruteqartut aammalu qanigisaasunut takussutissaammata qanigisartik paarilluarneqartoq paasissutissat tamakkua toqqissisitsisussaammata siunnersuut ingerlatippara una:

Qulaani normulerlugit taakkartukkakka aallaavigalugit najugaqartumut paasissutissat pillugit pisariitsumik skema-liortorneq. Imaasinnaavoq immersugassaq paasissutissanik allanik imaqarsinnaasoq.”

2022-mi aggustip 30-iani ataatsimiititaliap ataatsimiinnerani suliap ingerlateqqinneqarnissaa aalajangiunneqarpoq, taamaalilluni qanigisaasunut paasissutissanik avitseqateqarnissamut immersugassami suliaqartoqassamat.

### Maleruagassatigut tunngavissaq

Utoqqarnik paaqqinniffiit il.il. pillugit Inatsisartut peqqussutaat nr. 11, 30. oktober 1998-imeersoq. Pitsaassutsimut tunngavissat 2021-2022.

Kalaallit NUaannut inunut paasissutissanut peqqussutip atuutilerana.

### Pissutsit atuuttut

Allaffeqarfik kommunip Inunnut paasissutissanut tunngatillugu siunersuisuanik ataatsimeeqateqarnikuvoq, kiisalu utoqqaat angerlarsimaffiat Qupanuk-mi puigortunngortunut

suleriuseq pillugu puigortunngortunut paasissutissanik aamma aallernikuulluni. Inunnut paasissutissanut tunngatillugu siunnersuisoq isumaqarpoq inatsit malillugu qanigisaasunut paasissutissanut immersugassamik sanasoqarnissaa tulluurtuunngitsoq. Inunnut paasissutissanut siunnersuisumit nassuiaasutigineqarpoq, inatsit malillugu sulisut aamma paaqqinninnermik, najugaqartut pisariaqartitaat aallaavigalugit nerisitsinernik sulasaaqareersut. Taamaattumik puigortunngortunut qanigisaasut Qupanuk-mi paaqqinninnikkut aammalu najugaqartunik naammattumik nerisaqartitsinikkut suliannut sulisunut tatiginnittariaqarput. Qupanuk-mi aqutsisoq ima nassuiaateqarpoq:

- Puigortunngortut immikkoortortani najugaqartunut malinnaasoqarpoq, sulisut ikiortigalugit ullup aalajangersimasumik ullup unnuallu ingerlanera taamaalilluni nerisaqartinneqarlutik nakorsaatinillu eqqortumik iisinnisaat isumagineqarluni.
- Najugaqartut ataasiakkaatut ulluinnarni pisariaqartitaannut inulerisut ikiuisarput.
- Missingiussinikkut najugaqartut nalinginnaasumik qanoq issusiat/nerisqanerat/eqqiluisaarnerat il.il. pillugit paasissutissanut krydsiligassaq atorneqartarpoq. Taanna ulluinnarni immikkoortumi matoqqasumi najugaqartunut tamanut atorneqartarpoq (gangi 4).
- Najugaqartup pillorissutsikkut allangornerani pineqartoq illumi peqqissaasumit misissorneqartarpoq pisariaqartillugulu nakorsamit, tassunga ilutigitillugu assersuutigalugu immikut ittunik nakorsaatinik/imerpalasumik allanullu krydsersugassaq aamma atorneqartarpoq.
- Utoqqaat angerlarsimaffiani najugaqartut tamarmik inini sungiusaavinni ataasiakkaatut sungiusarneqarnissamik neqeroorfigineqartarput.
- Sapaatip akunneranut pingasoriarluni ullaap tungaani puigortunngortunut immikkoortumi, tassa gangi 1 aamma 4-mi Ulluunerani sammissasaqarsivimmi sulisut najugaqartunut sammisasaqartitsisarput.

#### Atuilluurtuunissakkut kingunerisinnaasai

Allaffissornermut piffissamik sivilisunerusumik atuisarnissaq atuilluurtuunngitsutut nalilerneqarpoq, tassa utoqqaat angerlarsimaffiani sulisut immersugassamik immersueqqaarnatik suliassatik pitsaaneruserusumik sulisinnaammata, najugaqartunut paaqqutarinninneq suliassaasa ilagereermassuk.

#### Aningaasaqarnikkut allaffissornikkullu kingunerisinnaasai

Qupanummi aqutsisut nalilerpaat, paasissutissanik siuliini taaneqartunik ilaqartunik immersugassamik tamatigit immersuisoqartassappat, najugaqartunik sullissinnermit piffissamik allaffissornerulernermut illikartitsisoqartariaqassasoq. Maannakut sulisussaaleqineq suliniutissallu nutaat atuunneranni, immersugassap taama ittup utoqqarnik sullissineq pitsaanerulersinnaviangilaa, tassa piffisaaq paaqqinninnissamut atugassaagaluq allaffissornermut atorneqalersussaammat.

#### Allaffeqarfiup naliliinera

Inunnut paasissutissanut tunngatillugu siunnersuisumit aamma Qupanuk-mit paasissutissanik piniareernerup kingorna, allaffeqarfik isumaqarpoq maannamut susoqarsimaneranik sulisunut aperisinnaanerunik periuseq ingerlaannartariaqartoq, kiisalu sulisunut tatiginnittoqartariaqartoq.

### **Innersuussut**

Atugarissaarnermut immikkoortortamit innersuussutigineqarpoq, puigortunngortut pillugit siunnersuut itigartitsinneqassasoq.

### **Aalajangiineq**

Suliaq allaffeqarfimmut utertinneqarpoq uku peqqutigalugi:

- Maleruagassatigut tunngavissat misissorluarneqartariaqarmata ersarissarneqartariaqarmatalu.
- Utoqqaat Angerlarsimaffiani nalunaarsuiffik Atugarissaarnermut Ataatsimiititaliap takorusuppaa
- Puigortunngortumut illersuisuusunngornissamut periutsinut tunngasunik paasisutissanik ujartuisoqarpoq
- Puigortunngortut ilaqutaanut qaammarsaasoqartariaqarmat.

### **Ilanngussaq**

### **Imm. 4.3 2022-mit 2026-p tungaanut pilersaarusionermermi periusissat**

*Journalnr. 16.03.01*

#### Tunuliaqutaq

Tamanut tusarnitiugineqarluni nassiunneqarnissaa siunertaralugu pilersaarusionermermi periusissamik nutaamik suliaqarneq.

#### Maleruagassatigut tunngavissaq

Pilersaarusionermeq aamma nunaminertat atorneqartarnerat pillugu Inatsisartut inatsisaat nr. 17, 17. novembari 2010-imeersoq naapertorlugu pilersaarusionermermi periusissiaq nutarterneqarpoq.

#### Pissutsit atuuttut

Ukiuni tulliuuttuni sisamani kommunalbestyrelsi, nunaqarfimmi aqutsisut allaffeqarfillu sunik anguniagaqarnissaannik innuttaasut takussutissinniarlugit pilersaarusionermissamut periusissaq suliarineqarpoq. Taamaattumik kommunalbestyrelsip siunnersuummik akuersissuteqarnerata kingorna, pilersaarusionermissamut periusissatut siunnersuut sapaatit akunnerini arfineq-pingasuni tamanit oqallisissiasanngorlugu tamanut saqqummiunneqassaaq.

Kommunalbestyrelsimi, innuttaasunit immersorneqarneq tunuliaqutaralugu pilersaarusionermissamut periusissamut siunnersuummik allaffeqarfik suliaqarnikuuvoq, 2022-mi novembarimi ataatsimiititalianut saqqummiunneqartussaalluni.

Pilersaarusionermermi periusissiami nutaami aallaaviunikuusoq tassaani kuuvoq, suleqatigiinnissamik isumaqatigiissummit anguniakkanik ilanngusaqarnissaq, Nalagaaffeqatigiit nunarsuarmi anguniagaannik 17-iusunik suliaqarnissaq aammalu Sisimiuni Maniitsumilu 2022-mi upernaakkut ingerlanneqartunik innuttaasunik ataatsimiititsinernut atatillugu immersuutiniq allaffeqarfiup tiguikuusaanik ilanngusaqarnissaq. Tamakku saniatigut kingullermik pilersaarusionermermi periusissiamit anguniakkanut isummertoqarnikuuvoq, tassani ilaat pilersaarusionermermi periusissami nutaami ilaateqqinneqarlutik.

Ataatsimiititaliat anguniagaasut atuarnissaat pingaaruteqarpoq taamaalillunilu immikkoortuni ataasiakkaani attuumassuteqartuni anguniagaasunik qulakkeerinnissallutik.

#### Atuilluartuunissakkut kingunerisinnaasai

Pilersaarusionermissamut periusissami nutaami suliaqarnermi ataaseq pingaaruteqartoq tassaavoq, Nalagaaffeqatigiit nunarsuarmi anguniagaannik ilanngussinissap qulakkeerneqarnissaa. Tamanna ilaatigut nunarsuarmi anguniakkat ersarissarniarlugit, kisianni aamma atuilluartuunissamik suliniut tassammat, Qeqqata Kommuniata ukiuni tulliuuttuni sisamani sulianut aallaavissaa pingaarutilik.

2022-2026-mut pilersaarusionermermi periusissiamik nutaamik suliaqarnermut atatillugu, suliniummut *”Kalaallit Nunaanni pilersaarusionermermi periusissiasanut- suleqatigiinnikkut annikillisaanermit pingaarnertut sinaakkutitut FN-ip nunarsuarmi anguniagaanut” Nordisk Ministerråd-imit 500.000 koruuninik tapiiffigineqarpoq (Ilanngussaq 2).*

#### Aningaasaqarnikkut allaffissornikkullu kingunerisinnaasai

Suliaq toqqaannartumik aningaasaqarnikkut kingunissaqanngilaq, anguniakkanilli piviusunngortitsinitsinni suliasatsinnik qanoq aqqiinnissatsinnut pingaarnersiuiunissatsinnullu sunnuteqarsinnaassalluni. Aammattaaq Sisimiuni, Kangerlussuarmi, Sarfannguani, Itillimi,

Maniitsumi, Kangaamiuni, Napasumi Atammimmilu pisussaasumi tusarniaanermut atatillugu angalasoqangaatsiassaaq.

#### Allaffeqarfiup naliinnera

Allaffeqarfiup nalilerpaa misilittagaralugulu, pilersaarusiornissamut periusissamik suliaqartarneq pingaaruteqartorujussuusoq, anguniakkallu anguniagalimmik sulissutigineqarnerat siunissamut qaninnerusumut ungasinnerusumullu iluaqutaassasut. Ataatsimiititaliat ataasiakkaat kommunalbestyrelsilu anguniakkanut piginnittut misigisimanissaat aammalu pilersaarusiornermi periusissiami politikkinilu allaaserineqartuusunik suliniutit akornanni ataqatigiittoqarnissaa.

Atugarissaarnermut ataatsimiititaliap ataatsimiititaliat akisussaaffeqarfiinut attuumassuteqartuusunik eqqartuinnermini anguniakkat pingaartittariaqaraluarpai. Taakku 2022-miit 2026-mut pilersaarusiornermi periusissiami immikkoortunit tullinguuttunit immikkoortorpaaluit makkuupput:

- Inuunerissaarnek (2022-miit 2026-mut Pilersaarusiornermi periusissiami Q. 6-7)
- Peqqinneq (2022-miit 2026-mut Pilersaarusiornermi periusissiami Q. 8-9)
- Meeqqat, inuusuttut meeqqallu atuarfiat (2022-miit 2026-mut Pilersaarusiornermi periusissiami Q. 10-11)
- Ilinniartitaaneq inuusutissarsiutinillu siuarsaaneq (2022-miit 2026-mut Pilersaarusiornermi periusissiami Q. 12-13)
- Kulturi sunngiffillu (2022-miit 2026-mut Pilersaarusiornermi periusissiami Q. 14-15)
- Illoqarfiit nunaqarfiillu (2022-miit 2026-mut Pilersaarusiornermi periusissiami Q. 22-33)

Inuunerissaarnermut anguniakkat suliniutillu tassapput:

- Inunnut innarluutilinnut pisortat illuutaannut appakaassinnaaneq illoqarfitsinnilu tikikkuminassuseq pitsaanerulersillugu
- Utoqqarnut, inunnut innarluutilinnut, siusinaartumik pensionisialinnut il.il. ornittakkanik pilersitsinissamut sulissaagut.
- Innuttaaqatigiinnut assigiinngitsunut qimarnguinnik angerlarsimaffeqanngitsunullu unnuisarfinnik pilersitsineq
- Innuttaasunut puigortunngorsimasunut immikkoortunik assiaqutilinnik pilersitsinissamut sulissaagut
- Utoqqarnut inissianik ullutsinnut tulluartunik pilersitsinissamut aammalu utoqqaat namminneq angerlarsimaffimmini sivisunerusumi najugaqarsinnaanerannut sulissaagut
- Innuttaasut sapinngisamik amerlasuut sulisinnaassuseqarnissaat imminnullu pilersortuunissaat tapersorsorlugu
- Pisortat paaqqinnittarfiutaanni sulisut ilinniarsimasut amerlanerusut atorfinitsinneqarnissaat salliutillugu
- Ingerlatsiviit akornanni suleqatigiinneq nukittorsarlugu atugarissaarnermullu immikkoortortap iluani sullissisarnerup pitsaanerulernissaanut suliat ingerlanneqartarnerannut periutsumik suliaqarluta
- Innarluutilinnut politikki malinneqarnissaa inatsillu malinneqarnissaa qulakkeerniarlugu Tiliormik Pissassarfimmillu suleqateqarneq nukittorsarlugu

Peqqinnermut anguniakkat suliniutillu tassapput:

- Sapinngisamik pitsaanerpaamik atornerqarnissaasa qulakkeernissaannut timersornermi atortut aserfallatsaalillugit

- Pinngortitamut appakaassinnaanerup kiisalu pinngortitamiinnissamut unnuinissamullu periarfissat pitsaanerulersinneqarnissaat
- Maniitsumi Sisimiunilu naluttarfinnik sanaartorneq
- Timersornermut kulturikkullu neqeroorutinit aningaasaqarnikkut tapiissuteqarnikkut sapinngisamik amerlanerpaanut peqqinnartumik inuuneqalernissamut periarfissiineq
- Pitsaaliuinerup nukittorsarnissaanut peqqinnissaqarfimmik akimortumik suleqateqarneq
- Aasaanerani ukiukkullu pinngortitamik atuilluni atuarfiit atuangiffiini sammisanik aallartitsineq
- Suliniutit immikkoortut aqcutigalugit pujortartartut aamma inuit ajoqutaasumik imigassamik atuisut amerlassussaasa appartinneqarnissaat
- Sunngiffimmi neqeroorutit, peqqinnartumik nerisaqarneq atonerluinngikkaluarlunilu inooriaaseqarneq pillugu paasissutissiineq
- Inuusuttunnguunermit peqqinnartumik inooriaaseqarnermik ukkataqartumik meeqqerivinni meeqqallu atuarfiini suliniutinik aallartitsineq

Meeqqanut, inuusttunut meeqqallu atuarfiannut anguniakkat suliniutillu tassaapput:

- Oqaloqatiginnittartunit/sullissisunit meeqqat angerlarsimaffimmi ajornartorsiutillit siusissukkut ikiorneqarnissaasa qulakkeerneqarnissaa
- Ilaqutariinnut tapersersuineq qulakkiissallugu, taamaalillutik angajoqqaat akisussaaffimmik tigusisinnaaniassammata killiliisinnaallutillu
- Ilaqutariit meerartallit angerlarsimaffimmi ajornartorsiutilinnut ikiorsiinissaq tapersersuinissarlu pillugu neqeroorutit amerlanerusut qulakkeerneqarnissaat
- Meeqqanut tamanut pitsaasumik tigussaasumillu sinaakkutilinnik meeqqerivinni inissat qulakkeerneqarnissaat
- Kommuniq pigisaanik ulloq unnuarlu paaqqinnittarfinnik pilersitsineq, meeqqat angajoqqaamik illoqarfigisaanni najugaqatiginissaat qulakkeerniarlugu
- Meeqqeriviup meeqqallu atuarfiata akornanni ikaarsaartarnerup pitsaanerulersinneqarnissaa qulakkeerlugu
- Atuartut atuarfimmi ingerlalluanngitsut ikiorniarlugit atuarfinni inunnik isumaginninnermi siunnersortinik atorfinitsitsineq

Ilinniartitaanermit inuussutissarsiutillu siuarsarneqarnissaannut anguniakkat suliuutillu tassaapput:

- Inuusuttunut ilinniartinnut ingerlaqqissimannngitsunut imaluunniit meeqqat atuarfiata naammassinerata kingorna sulilersimannngitsunut suliniutinik qulakkeerinnineq, assersuutigalugu ataasiakkaanut anguniagaqartumik ilinnialersinnaanermit pitsaanerusemik ilitsersuinikkut.

Kulturimut sunngiffimmullu anguniakkat suliniutillu tassaapput:

- Nammineq kajumissutsimik ingerlanneqartuusunik peqatigiiffiit aqqissuussallu pillugit tapersersuineq
- Illoqarfinni nunaqarfinnilu allani tamani innuttaasunut sunngiffimmi sammisassanik neqerooruteqarneq ineriartortitseqqinerlu
- Timersornermik unamminermik ingerlatsinissamut atorsinnaasanik pioreersunik atorluaanissamut periarfissamik qulakkeerinnineq
- Kulturikkut sammisat pillugit sinaakkutaasussanik atugassarititaasunik pitsaasunik qulakkeerinnineq
- Suliniutit kulturikkut siunertaqartut tapersersorlugit
- Kulturikkut ileqqugut nukittuut paariinnarlugit nukittorsarlugillu

### **Innersuussut**

Suleqatigiinnissamut isumaqatigiissumi Naalagaaffiit Peqatigiillu nunarsuarmi anguniagaanni aallaavilimmik tiguneqarnikuusuni anguniakkani siulianiittunut Atugarissaarnermut ataatsimiititaliaq eqqartuissasoq allannguutissatullu siunnersuusiussasoq innersuussutigineqarpoq.

### **Aalajangiineq**

Akuersissutigineqarput, taamaattorli Atugarissaarnermut Ataatsimiititaliap piumasaqaatigaat meeqqerivinni isumaginninnermi siunnersortimik atorfinitsitsisoqarnissaa. Atugarissaarnermut ataatsimiititaliaq aammalu Ilinniartitaanermut ataatsimiititaliap tamanna suleqatigiisutigissavaat.

### **Ilanngussaq**

1. 2022-miit 2026-mut pilersaarsiornermi periusissiaq
2. "Kalaallit Nunaanni pilersaarusiornermut periusissiassanut - suleqatigiinnikkut eqiterutsitsinissamut sinaakkutit Naalagaaffiit Peqatigiit nunarsuarmi anguniagai"

#### **Imm. 4.4 2021-mut kukkusersiuisut allakkiaat – Atugarissaarnermut immikkoortortaarfik**

*Journalnr. 06.04.01*

##### Tunuliaqutaq

Kukkusersiuisut BDO kommunimut 2021-mut kukkusersiuinermut allakkiamik nassiussaqaarnikuupput, taanna maannakkut Aningaasaqaarnermut ataatsimiititaliamut Kommunalbestyrelsimullu saqqummiunneqartinnagit atugarissaarnermut ataatsimiititaliamiilersut.

##### Maleruagassatigut tunngavissaq

Aqutsinermut inatsimmi § 48 imm. 5 naapertorlugu, kukkusersiuisut oqaaseqaataat kommunalbestyrelsimit akineqartussaataapput, aalajangiisoqaareerpallu akissuteqaatit Nakkutilliisoqarfimmut nassiunneqassallutik.

##### Pissutsit atuuttut

Kukkusersiuisut BDO tullinnguuttutigut oqaaseqaateqarpoq:  
”2020-mut naatsorsuutininik kukkusersiuinermik atatillugu paasivarput, Qeqqata Kommuniata akiliisussaataaffigisaanut innuttaasunut inissinneqarsimasunut aningaasartuutininik akilerneqartunut tunngatillugu ajornartorsiuteqartoqarsimasoq.

Taamaattumik innersuussutigivarput inissinneqarsimasunik regneark atorlugu takussutissamik suliaqartoqassasoq aammalu taakkununga naatsorsuinermit ingerlaavartumik malitseqartitsisoqassasoq.

Innuttaasunut inissinneqarsimasunut tamanut eqqortumik naatsorsuinermit aqutsinissamut qulakkeerinninnissamullu regnearkinik taakkunganna sulii suliaqartoqarsimanngitsooq 2021-p naalernerani paasivarput.

2021 naalersooq paaseqqipparput ukiumi naatsorsuuseriffiusumi eqqortumi piffissalorsorneqarnikuunngitsunik naatsorsuuteqartoq amerlasuunillu nuutsitsisoqartarsimasoq, taakku aallaqqaammut kukkusumik naatsorsuutininik allanneqartarsimammata.

Taamaalilluni sulii uagut naliliinerivarput, immikkoortumi aningaasanik aqutsineq ima nukittorsarneqartariaqartoq, naatsorsuutininik allattuinerit ingerlaavartumik eqqortumik ukiumullu naatsorsuuseriffiusumut eqqortumi ingerlanneqartassasoq, taamaalilluni akiligassiissutit marloriaammik akilerneqartarnissaat pinngitsoortinneqarluni. Tamanna naatsorsuutininik ingerlaavartumik sunniutilimmik malitseqartitsinissamut tunngatillugu pingaaruteqarpoq”

Illoqarfinni marluusuni Atugarissaarnermut immikkoortortaq excel regneark controllerinit tunniunneqarnikuusoq, illup iluani nakkutilliinermut aammalu atuinerup takuneqarnissaanut aamma meeqqanut inuusuttunullu inissinneqarsimasunut naatsorsuutininik atortalerinikuuaat.

Sisimiuni Atugarissaarnermut immikkoortortaq innuttaasunut inissinneqarsimasunut naatsorsuutininik atuiffilersuisarnerup naatsorsuutininillu nakkutilliinerup nukittorsarneqarnissaanut sulisunik nuutsiterinikuuvoq. Tamanna kukkusumik atuiffilersuinerit ikinnerusunik aammalu akiliutaasunik takunnilluarnerulersinnaanermik kinguneqarnikuuvoq.

Maniitsumi Atugarissaarnermut immikkoortortami allatseqarfimmi immikkoortortami aqutsisup excel ark nutartertarnissaanut akisussaaffeqarpoq aammattaarlu siullertut akuersisartuulluni.

Inunnut ataasiakkaanut tunngassutillit misissuiffigineri misiliinerit inatsisitigullu mianerisariaqakkatigut ataqatigiisitsinermik toqqammaveqartumik tulliuuttutigut misissuiffigineqarput.

- Utoqqalinermi pensionisiat
- Siusinnaartumik pensionitii
- Meeqqanut tapit
- Erninermut atatillugu ullormusiat
- Ineqarnermut tapiissutit
- Meeqqanut akilersuutit

**Inunnut ataasiakkaanut tunngatillugu suliat misissorneqarnerinut inerniliineq**

Kukkunersuineq naammassereersoq tunngavigalugu, maleruagassat atuuttut naapertorlugit suliat inunnut tunngasut tamakkiisuusumik aqutsivigineqartut isumaqarpugut.

Immikkoortuni tulliuuttuni kukkuneqarpiangitsunik kukkuneqangitsunilluunniit nassaarpugut:

- Utoqqalinermi pensionisiat  
*Suliat arfineq-pingasut misissuiffigineqarput taakkunangga arfinillit kukkuneqaratik.*
- Siusinnaartumik pensionit  
*Siusinnaartumik pensionisiant suliat qulingiluat misissuiffigineqarput taakkunangga arfinillit kukkuneqaratik.*
- Meeqqanut tapit  
*Suliat qulingiluat misissuiffigineqarput taakkunangga arfineq-pingasut kukkuneqaratik.*
- Erninermut atatillugu ullormusiat  
*Suliat qulingiluat misissuiffigineqarput taakkunangga arfineq-marluk kukkuneqaratik.*
- Ineqarnermut tapiissutit  
*Suliat qulingiluat misissuiffigineqarput taakkunangga arfineq-pingasut kukkuneqaratik.*

Atuilluartaunissakkut kingunerisinnaasai

Inissinneqarsimasunut nakkutilliinermut naatsorsuutinullu aningaasartuutit nakkutigineqarnissaanut regnearkimik suliaqarneq atuilluartauneruvoq.

Aningaasaqarnikkut allaffissornikkullu kingunerisinnaasai

Sisimiuni Atugarissaarnermut immikkoortortaq sulisunik nuutsiterinikkut qisuariarnikuuvoq, taamaalilluni innuttaasunut inissinneqarsimasunut akiligassanut akuersisartuq inuk ataasiinnangorluni. Tamatuma kingorna aningaasaqarnemik aqutsineq tamaat nukittorsarniarlugu aaqqiissuusseqqittoqarnikuuvoq, tassani Sisimiuni Atugarissaarnermut immikkoortortap tunniussassat suliarineqartarfigisaannik tunniussisarnermut immikkoortortamik pilersitsinikkut. Atugarissaarnermut immikkoortortaq Maniitsoq allaffimmi immikkoortortami aqutsisoq siullertut akuersisartuutigisooq, meeqqanut aamma ilaqutariinnut sullissisunut pisortaq suleqatigalugu.

Allaffeqarfiup naliinnera

Inissinneqarsimasunut kukkusumik atuiffilersuisoqartarsimanera allaffeqarfiup ajuusaarutigaa, tamanna nuutsinernut aamma oqimaaqatigiisitsinissamut akornusersuinerimik kinguneqarsimavoq, illuatungaani immikkortortaq atuiffilersuinerni oqimaaqatigiisitsinernilu ataatsimut isigalugu nukittunerulerpoq, naak sulii aningaasaqarnemik aqutsinermik nukittorsaalluni suliaqaraluarluni aamma atuiffinnut pilersaarutini atuiffiillu taaguutaannik allanngortiterilluni suliaqaraluarluni, taamaalilluni eqqortumik atuiffilersuinissaq ajornannginnerulissalluni. Namminersorlutik Oqartussat suleqatigineranni unamminartoq tassaavoq kommuninut akiligassiisarnerat.

### **Innersuussut**

Atugarissaarnermut immikkoortortaqrifiup Atugarissaarnermut ataatsimiititaliamut innersuussutigivaa:

- 2021-mut kukkuniarsiuisut allakkiaat tusaatissatut tiguneqassasut
- Suliaq Aningaasaqarnermut Ataatsimiititaliamut Kommunalbestyrelsimullu akuersissutissanngorlugu saqqummiunneqassasoq.

### **Aalajangiineq**

Tusaatissatut tiguneqarpoq suliarlu Aningaasaqarnermut Ataatsimiititaliamut Kommunabestyrelsemullu akuerisassanngorlugu ingerlateqqinneqassaaq.

### **Ilanngussaq**

1. 2021-mut kukkuniarsiuisut allakkiaat – Atugarissaarnermut Immikkoortortaq
2. 2.1.1.1. Inissinneqarsimasunut akigititat Atugarissaarnermut immikkoortortaq
3. 10.1.1 Suliat inunnut tunngasut

**05. Sulisoqarnermut tunngasut**

Soqanngilaq

**06. Paasissutissiissutit**

Soqanngilaq

**08. Tamalaat**

**Imm. 8.1 Tamalaat**

Soqanngilaq.